

四鎮三關誌卷之七

制疏考



四鎮制疏總論

效祖曰君臣之分高卑懸絕蓋自天地設位已然
矣然其情之疏通而罔聞者非文詞安所藉焉故
君謂臣則有詔有誥有勅臣謂君則有題有
奏有策有議凡此皆所以宣上德達下情而敷治
宣猷之不可廢者也其在內治靡不為然而障徼
飛轡又蒸：為焉今詳括而類攷之以見一德交
承之盛作制疏考

四鎮三關誌

制疏

一

戊

薊鎮制疏

詔勅

勅兵部左侍郎兼都察院右僉都御史孫禴

近因虜寇越關深入殘害畿輔地方今雖退遁而沿邊一帶誠不可不為之備該大學士嚴嵩等題稱薊州一鎮密邇京師關係尤重但兵馬單弱宜選風力大臣提督該鎮軍務庶幾緩急有濟勅下該部議覆前來相應依擬今特命爾前去提督薊州軍務爾宜查照該部題覆事理嚴督所屬整擷軍馬鋒利器械謹慎烽堠以備不虞其有關隘城堡應該修築增補

四鎮三關誌

制疏

二

戊

者即便相度具奏興工其撫鎮參游等官俱聽節制一遇有警即行調集遼東真保河間等處兵馬相機應援各該將領等官臨陣之際有不用命者自指揮以下許以軍法從事有司官員有犯即便拿問凡軍中事宜勅內該載未盡者悉聽便宜區處爾為大臣受茲簡命宜殫忠竭慮多方經畧計出萬全必使戰勝守固以紓朕北顧之憂斯稱任使毋或因循怠忽致誤事機責有所歸爾其欽承之故諭

勅總督薊遼保定等處軍務兼理糧餉兵部左侍郎

都察院右僉都御史譚綸

薊鎮切近京師寔係藩籬重地茲特命爾總督薊遼
保定軍務兼理本處主客軍餉爾宜查照該部節題
事理嚴督所屬整擷軍馬鋒利器械謹烽堠以備不
虞如各處兵數不足設法召募務使充寔閔隘牆堡
應該修築增補者即便相度其奏與工其薊遼保定
鎮地并各鎮參游所屬地方各道兵備添設修築墩
堡等項官員俱聽爾節制各領兵等官敢有臨陣不
用命者自都指揮以下許以軍法從事爾仍督同各
該地撫及管糧郎中等官凡遇糴買主客兵糧料草
督令守地兵備官估計召商比較完納各倉庫支放

四鎮三關誌

制疏

三

戊

地撫并郎中主事各照分定地方掌管先事儲積臨
時供億俱聽爾調度如有不敷尔即具奏請給每年
防秋畢日督行各官分別主客名開有無支剩并計
莫下年應該添買之數題請其在鎮糧草支用不及
者或改撥搬運聽爾從宜處置凡官商埋沒將領剋
削及一切浪費冒支等弊應等問者就便拏問應恭
奏者指寔參奏各分定地方官員如違悞糧餉守地
兵備等官假以邊務規避召買致悞軍机者尔即奏
來處治其餘軍衛有司官員有犯輕則徑自提問重
則參奏究治庸懦不職者一体糾劾凡軍中一應事

宜并勅內該載未盡者悉聽爾便宜區處仍不妨練
兵原務爾為大臣受茲簡命宜殫忠竭誠多方經畧
計出萬全必使戰勝守固士飽馬騰以紓朕北顧之
憂如或因循怠忽責有所歸爾其欽承之故諭

勅總督軍務都察院右都御史兼兵部右侍郎劉應節
朕受

天明命君主萬方內夷外夏無不欲其得所昨歲北虜
款關乞貢議者紛紛可否互異朕方欲廣并包之仁
故不責既往納其獻猷授以官職許為外臣然夷狄
之性叛服不常制御之方自治為要况薊鎮地方逼

四鎮三關誌

制疏

四

戊

鄰東甯今俺酋雖稱親順土蠻尚尔陸梁桑土之防
倍宜加慎近該輔臣建議請降勅諭申斥各鎮文武
諸臣及時整理邊務誠為安攘全計茲特諭爾降職
掌所係照常修舉外乘今邊患稍寧嚴督鎮戍兵備
等官將一應戰守事宜看寔整理撙節費用務有贏
餘訓練兵馬務皆精壯各種屯田務廣儲蓄清理鹽
法務使疏通哨探甯情務得端的調遣應接務中機
宜援兵雖不可驟罷亦要設法練集土著以固戰守
墩台雖已行修築尤須多備守台器具以資捍禦若
事有不便應合改絃易轍者亦須明白具奏諸旨定

奪丑得拘泥陳說因循自誤以後每年聽行邊大臣
查核紀驗果能事事整飭著有寔績比照擒斬事例
重加陞賞如踵襲故套推諉誤事即照失机從重擬
罪不為督臣受茲委仕宜殫竭忠謀悉心區畫務俾
邊政修舉日勝一日禦寇之算萬全無遺斯付朕付
托之重如或怠玩廢弛以致饋事責有所歸尔其慎
之慎之故諭

勅總督兵部右侍郎兼都察院右僉都御史楊兆

麟鎮切近京師寔係藩籬重地茲特命尔總督薊遼
保定等處軍務兼理薊昌二鎮主客軍餉尔宜查照

四鎮三關誌

制疏

五

戊

該部節題事理嚴督所屬文武將吏整擐軍馬鋒利
器械謹明烽堠以備不虞如各營路軍伍不足設法
募補務使充寔各處清勾改編到軍士皆令安插得
所如法訓練閹隘牆台應該增修者即便相度具奏
興工各路營城距邊有在十里五里之外者酌議移
置近邊以便戰守近年所造戰車遇有損壞缺少務
即以時修補入衛兵馬有以老弱充數宜嚴加查核
各處班軍全無盈甲器械與不習戰守宜即議處練
習俾得寔用宣府遼東一代土牆樓櫓係

陵寢後蔽尔每歲會同該鎮、巡等官查閱一次應修

理者具奏修理

天壽山東西山口空缺宜議增車營以資防禦其薊遼
昌平保定鎮心協守分守付叅兵備及統領入衛領
班等項官員俱聽爾節制如遇竄賊入犯即嚴督各
官相機勦殺各領兵將官有臨陣退縮承遺逗遛抗
違軍令及沿習舊套割取死首冒功脫罪者叅將以
下許以軍法從事付總兵以上先取死罪招由奏聞
處治尔仍督同各該巡撫及管糧郎中等官凡遇糴
買主客兵糧料草查照定額督令守心兵備官估計
召商比較上納各倉庫以時支放歲終仍督行各官

四鎮三關誌

制疏

六

戊

分別主客各項有無支剩并會計下年應該添買之
數先期題請其各路所派糧草支放不便或宜改撥
搬運聽尔從宜處置凡官商埋沒將領剋削一切浪
費冒支等弊及管糧官違悞糧餉兵備官規避召買
應拏問者就便拏問應叅奏者指定叅奏其餘軍
衛有司官員有犯輕則輕自提問重則叅奏究治每防
秋畢日將各軍職兵備官員分別舉劾有司不職者
一併糾奏凡軍中一應事宜并勅內該載未盡者悉
聽尔便宜區處尔受茲簡命宜殫忠竭誠多方經略
計出萬全必使戰勝守固士飽馬騰以紓朕北顧之

憂如或因循怠忽責有所歸尔其欽承之故諭

勅獎總督兵部左侍郎兼都察院右僉都御史楊兆

朕仰承

烈祖

神宗之耿光丕庥四方萬國靡不懷服蠢惟醜虜恃其
控弦之衆憑陵邊鄙無歲無之朕以尔蔚有遠猷心
在王室授之專閫冀紓東顧之尤而尔能殫竭忠勤
督勵將士調度方略悉中机宜碩虜乘我解嚴飄忽
東犯而各該兵將聞警雲集是張特角之形以遏跳
梁之勢斬首二百奪獲馬駝兵械無算餘虜狼顧惕

四鎮三閩誌

制疏

上

戊

鬼褫魄奔遯大伸中國之霸威時惟尔功捷書馳聞
朕心嘉悅特用授尔勲階給與應得誥命賞銀六十
兩紵絲四表裏蔭一子入監讀書仍賜勅獎勵於戲
威武奮揚既著發縱之效邊疆底定尚紆善後之圖
宜益勵其初心用對揚於休命尔其欽哉故諭

勅獎總督薊遼保定等處軍務兼理糧餉兵部左侍郎
兼都察院右僉都御史楊兆

朕續承

皇祖

烈宗之丕緒撫有方夏三垂晏若方內以寧念保治之

大猷在我兵之克誥爰遣重臣時也邊鎮簡稽軍寔
覈課功能茲者還報稱尔作鎮北門和洽東土畢收
群策而張弛協宜坐制諸夷而威信兼著繕塞垣則
既崇且固練卒乘則有勇知方至於遼左之開疆寔
本師中之授算惟茂績備徵于八事肆休声獨冠於
一時朕念尔勞良用嘉悅茲特賜勅獎勵仍賞銀五
十兩紵絲四表裏以示眷酬尔尚益民忠猷弘撫遠
畧萬全取勝愈嚴來土之防先事制人永壯干城之
績則予一人以懌且荐有顯涉焉欽哉故諭

效祖曰典邊之責至嚴且棘矣往

四鎮三閩誌

制疏

又七

戊

世廟時嘗過封疆且曰憐之焉求伏匿不暇安從覬寵
霸呼乃公以閔才際

泰運年來閔鎮底寧至厯

璽書下被甄藻輝煌不一足古語云聖人有金城者比
物比志也其公之謂歟

勅整飭薊州等處邊備兼巡撫順天等府地方都察院
右僉都御史楊兆

目今北虜款順邊患稍寧正宜及時修舉邊務以固
久安長治況薊昌密近京師逼鄰東甯今淹苗雖稱
賓服土蠻尚尔陸梁桑土之防倍宜加慎近該輔臣

建議請勅中飭各鎮文武諸臣誠為安攘至計茲特
諭尔除職掌所照關常修舉外來今警報稍息督率
兵備將領等官將一應戰守事宜看寔整理撙節費
用務使贏餘訓練兵馬務皆精壯各種屯田務廣儲
蓄清理鹽法務使疏通哨探窮情務得端的調遣應
接務中机宜援兵雖不可驟罷亦要設法練習土著
以圖戰守墩臺雖已行修築尤須多備守臺器具以
資捍禦如事有不便應合改絃易轍者亦要與總督
鎮守協心計議具奏定奪毋得拘泥陳說因循自悞
以後每年聽行邊大臣查核紀驗果能事之整飭著

四鎮三關誌

制疏

八

戊

有寔績比照擒斬事例重加陞賞加踵襲故套推諉
誤事即照失机從重擬罪不為撫臣受茲重任宜殫
竭忠謀悉心區畫務俾邊政修舉日勝一日禦寇之
算萬全無遺斯付委託如或怠玩廢弛以致債事責
有所歸尔其慎之慎之故諭

勅都察院右僉都御史王一鶚

今特命尔整飭薊州永平山海密雲居庸關白羊口
等處邊備兼撫順天永平二府地方居常操練軍
馬修理城池關隘撫安軍民督理糧儲禁革奸弊聽
理詞訟凡屯糧民運鹽糧召買等項尔宜查照該部

節題事理稽實查催近年題准築建空心墩臺有未完者俱要乘時修補務令高厚足堪捍禦各路營城距邊有在十里五里之外者酌議移置近邊以便戰守節年所造戰車遇有損壞缺少務即着定修補備用邊內荒蕪田土并官豪勢要侵占者逐一查明分給屯丁儘力開種俟三年後如果成熟准令各軍自食其力免給月糧年終通將墾過田畝數目造冊奏繳清冊送部查考如權豪勢要及將領官商人等有侵欺盜賣糧草及埋沒剋剝等弊應等問者就便拏問應恭奏者指寔恭奏凡口外屬夷應撫賞者亦宜

四鎮三關誌

制疏

九

戊

悉心計處仔細提備務使夷夏懷服邊境輯寧若有竄犯的寔警報亦即移駐昌平調度各路軍馬隨宜堵截應援護衛陵寢保固地方凡一應軍情邊務悉與鎮守官從長計議而行分守之備等官俱聽亦節制亦仍聽總督官節制其勅內開載未尽凡有裨於邊備及便於軍民者亦許亦從宜處置亦為憲臣受茲簡任須持廉秉公正已率下使官吏畏威軍民懷惠庶付委托若背公營私行事乖方因循怠玩以致誤事責有所歸亦其慎之慎之故諭

勅也按直隸監察御史賀一桂

先該都察院題稱東西二關既經奉旨分屬各該處
按御史帶管則所管地方必須分屬明白庶可經久
議將居庸紫荆以至山海等關事務分屬順天等府
處按御史管理今特命尔不防原務兼此視前項地
方公同各該分守守備等官查照節年事例此視關
口點閱軍士整飭器械操演武藝守關官旗人等一
應詞訟聽尔聞理發落無警則按行內郡照常處理
此按職務有警即星馳赴邊此視督察所在大小關
隘及新築墩台務令官軍加謹把守防護少有損壞
即時修理堅完足堪保障其沿邊樹木尤宜嚴行禁

回鎮三關詠

制疏

十

戊

約不許居民盜伐遇有疎稀處所責令各該地方官
及時補植完密如有視為末務不行用心栽種者指
名叅來處治仍兼理清軍通將所轄邊鎮各區分守
并標游等兵各造清冊三本內係編發抽垛者將應
繼弟男不拘隨伍原銜俱開報的名各附造本軍名
下以後遇缺據籍頂補不必再用清勾係召募者該
管官員按季開報止給與募軍銀二兩不必過於糜
費仍將邊軍逃故并解補多寡各責成該管將領及
銜所等官俱候復命之日分別具奏以定功罪勒內
該載未盡事宜聽尔查照舉行尔為憲臣受茲兼任

務使邊閭鞏固武備修舉清理詳明軍伍充足斯為
尔能如或因循苟且虛應故事有負委用責有所歸
尔其欽承之故勅

勅密雲糧儲戶部郎中申嘉瑞

近該處按御史題稱要將密雲管糧官仍理該鎮錢
糧其昌平三路照舊設官管理該部議覆相應今特
命尔總理密雲主客兵馬糧餉尔宜查照該部題准
事理聽督餉官分投坐委凡係主客駐守城堡及用
兵處所并調到客兵經過地方俱要預先堆積糧料
草束以備應用其主兵照例按月給散客兵一到即

四鎮三關誌

制疏

十一

戊

與支放毋致留滯等候合用裝載車輛人夫駟驢等
項俱要計處停當備用所轄官吏人等如有違慢誤
事及通同作弊者尔即拏送所在官司問理尔受茲
委仕宜殫竭心力措置有方務使糧餉充盈邊方有
賴斯稱仕使毋或因循怠忽自取罪愆三年滿日更
代尔其欽承之故勅

勅薊州糧儲戶部郎中高世雨

今命尔總理薊州等處糧儲兼管屯種分屬馬太二
區皆同該道隨宜召買糧草修葺倉場收貯皆徵附
近州縣衛所民屯錢糧稽察奸弊凡一應與草事宜

尔會同巡撫官計議修舉官吏人等但有侵欺盜賣及私投買閑等項通同作弊者尔即拏送所在官司問理應奏請者照例施行尔受茲委任須持廉秉公殫心竭力毋暴毋刻務裨邊儲充足事安民安如或不加勤慎以致擾人廢事必罪不宥尔其慎之故勅
勅永平糧儲戶部郎中傅寵

先該言官題稱薊鎮燕石二區軍士閑支月糧不便欲要議增部屬以便督理事下該部議覆相應今命尔總理永平等處糧儲兼管屯種分屬燕石二區督同該道隨宜召買糧草修置倉場收貯督徵附近州

四鎮三關誌

制疏

十二

戊

縣衙所民屯錢糧稽查奸弊凡一應與草事宜尔會同巡撫官計議修舉官吏人等但有侵欺盜賣及私役買閑等項通同作弊者尔即拏送所在官司問理應奏請者照例施行尔受茲委任須持廉秉公殫心竭力毋暴毋刻務裨邊儲充足事安民安斯稱厥職如或怠肆以致擾人壞事必罪不宥故勅

勅密雲兵備山東布政司叅政錢藻

今特命尔整飭密雲等處兵備管理石塘嶺古北口牆子嶺三路駐劄密雲縣分管密雲縣通州三河寶坻香河平谷各州縣密雲中後通州左右神武中定

邊與州後屯九衛梁城守禦千戶所專一撫處夷情
聽理詞訟修葺城池操練人馬查處主客錢糧督修
關營墩牆整理神器甲杖修蓋營房倉庫每年正月
半七月初上邊三月尽九月尽下邊守邊之日稽查
奸弊監督戰守下邊之日如遺有邊工未就之緒及
簡閱兵馬諸務仍遠委州縣才能正官一員前去代
理及將所轄區分主兵通行蒐遠設法教練一年之
內練有成效不次擢用因循不振從重黜罰仍聽總
督巡撫官節制其屯田事務屬爾兼管仍查照兵部
近題事理帶管驛傳稽核各項錢糧嚴查應付勘合

四鎮三關誌

制疏

十三

戊

有不奉公差及假托詐偽并驛遞官吏人等剋削色
占作弊害人者俱要恪遵明旨尽法禁治每年將徵
給過站銀葉草過冒濫牌票及行過事宜開送巡撫
衙門轉咨該部查考如不用心看寔舉行取具文移
了事致滋奸弊聽各撫按官及該部科即據事恭奏
以不職論黜尔為憲臣須持廉秉公寔心幹理圖副
委任毋得因循怠玩自貽罪愆尔其欽承之故勅
勅薊州兵備山西布政司右叅議兼僉事王之弼協理
糧餉

先該戶部題稱薊州等鎮錢糧原擬勅差郎中一員

駐劄適中地方会同撫按衙門督理收放禁革奸弊
但該鎮主客兵馬虛寔之數非管糧郎中所得盡一
稽查每遇開支虛冒尤多向隨題覆兵備官嚴督查
理未見着寔舉行又該各項糧草料束收放浩繁積
弊多端欲要責成兵備協同經理庶國計有裨今特
命尔不妨原務協同管糧郎中主事將前項宿弊務
要盡法查理將本鎮主客兵馬數目核寔要見某處
主兵若干客兵若干舊數有無增減總撤有無相同
細開應支錢糧寔數仍查客兵何時調到何時撤回
毋得聽憑捏報虛增違者即將各項領員役查照律

四鎮三關誌

制疏

十四

戊

例從重叅究每年終郎中將放收過各兵馬數目備
細造冊送部毋得仍前不開起止及官軍各支不等
混數致難查考亦無得已放本色而捏作折色已放
折色而捏作本色并私將商價折放遊兵內貪猾問
草將官及各色假借棍徒以致大損邊儲尔仍將主
客寔數并客兵上邊撤回日期造冊送部以備互相
稽查所有解到漕糧并援例米石俱要乾圓潔淨編
立字號倉廩積貯以備日後支放如豪右棍徒敢有仍
前色攬積書奸商交通作弊者即便嚴拏問遣其
各邊倉攢除行應撥衙門嚴查藉負保勘明白方行

撥充如再仍前捏藉冒充者聽尔一併問革各項事宜務在協心料理如應放本色而爛惡不堪應放折色而銀數短少查照年月將各經管員役批寔恭奏罷尔尔受茲委任須持廉秉公正已率下志心經理使上下知警弊實以塞狼無虛耗軍有寔惠如或怠慢誤事責有所歸尔其欽承之故勒

勒薊州兵備山西按察司付使辛應乾

今特命尔整飭薊州等處兵備尔宜查照該部題准事理管理馬蘭谷太平寨二路監督付恭等官分管薊州遵化豐潤縣薊州營州右屯鎮朔州東勝右

四鎮三關誌

制疏

十五

戊

忠義中興州屯前屯開平中屯衛寬河守禦千戶所專責撫處夷情聽理詞訟修葺城池操練人馬查處主客錢糧督修關營墩台管理神器甲杖修葺房倉庫每年正月辛七月初上邊三月尽九月尽下邊下邊之日如遺有邊工未就之緒及簡閱兵馬諸務仍遠委州縣才能官一員前去代理及將所管該路主兵通行蒐遠設法教練一年之內練有成效下次擢用因循不振從重懲罰尔仍聽督撫官節制近該戶部覆議將邊內荒蕪田土及官豪勢要侵占逐一查明分給屯丁量給牛種嚴禁濫徵以防荒業俟

三年後如果成熟准令各軍自食其力免給月糧若有多餘田土亦要設法招種照前免科俟三年之後軍或令出租臨時聽從民願年終通將開墾數目造冊奏繳青冊送部查考尔受茲委任須持廉秉公正已率下悉心經理以靖地方如或怠慢悞事責有所歸尔其欽承之故勅

勅永平兵備山東按察司付使宋守約協理糧餉先該戶部題稱永平等鎮錢糧原擬勅差郎中一員駐劄適中地方會同撫按衙門督理收放禁革奸弊但該鎮主客真馬虛寔之數非管理郎中所得盡一

四鎮三閩誌

制疏

十六

戊

稽察每遇開支虛冒尤多向雖題覆兵備官嚴督查理未見着實舉行又該各項糧料草束收放浩繁積弊多端欲要責成兵備協同經理庶國計有裨今特命尔不妨原務協同管糧郎中主事將前項宿弊務要盡法查理將本鎮主客兵馬數目覈寔要見某處主兵若干客兵若干舊數有無增減總撤有無相同細開應支錢糧寔數仍查客兵何時調到何時撤回毋得聽憑捏報虛增違者即將各將領員役查照律例從重叅究五年終郎中將放收過各兵馬數目備細造冊送部毋得仍前不開起止及官軍各支不等